

## **BOŽIĆ**

Božić je dan kojim se slavi rođenje Isusa Krista. Praznik mira, ljubavi, skromnosti i zajedništva. To je jedan od najznačajnijih kršćanskih praznika. Katolici ga slave 25. Decembra, a pravoslavni vjernici, koji vrijeme računaju po julijanskom kalendaru, 7. Januara.

Božić – praznik rođenja, glas nade i spasenja svijeta, slavi se u svakoj kršćanskoj crkvi. Pripreme se vrše četiri sedmice prije. Dan prije velikog praznika nosi naziv Badnjak prema drvcima koji se taj dan unose u kuću i stavljaju na ognjište. Velika misa održava se u ponoć između 24. i 25. decembra. Misa u kojoj se moli za ono sa čime se čovjek rađa, šta traži cijelog života , što unosi radost i izgrađuje topla srca. To je ljubav! Prema Bogu i prema ljudima!

Božić donosi radost u svaku kršćansku kuću. Radost koju sobom nosi svako rođenje. Na Badnjak se u kuću unosi i kiti božićno drvce ispod kojih se stavljaju darovi koji se otvaraju ujutro na Božić. To je vrijeme okupljanja porodice, prijatelja, dragih ljudi. Uz lijepe želje, praznično raspoloženje i iskrene čestitke ljudi se mire i praštaju jedni drugima.

Jer Božić je praznik mira.

Svim pripadnicima katoličke vjeroispovijesti želimo srećan Božić.